

भादुङो भालो आयो रे चालो भगता परसाणे



भादुङो भालो आयो रे,
म्हारो मनङो हर्षायो रे,
दादोजी रो दिनङो आयो रे,
ओ मेळो भारी आयो रे,
आयी आयी भादुङे री चौथ,
चालो परसाणे चालो भगता परसाणे।bd।

परसाणे में दादो अवतारी,
सुखी बाई दादा माता थारी,
सुखी बाई दादा माता थारी,
हरजीराम है तात चालो परसाणे,
चालो भगता परसाणे।
आयी आयी भादुङे री चौथ,
चालो परसाणे चालो भगता परसाणे।bd।

बालाजी रा प्रेम पुजारी,
अखाराम जी नाम पुकारी,
अखाराम जी नाम पुकारी,
जीवू बाईसा रा भ्रात चालो परसाणे,
चालो भगता परसाणे।
आयी आयी भादुङे री चौथ,
चालो परसाणे चालो भगता परसाणे।bd।

ऊँचे धोरे थारो मन्दिर सोवै,
दादा थारी मूरत म्हारो मन मोहे,
दादा थारी मूरत म्हारो मन मोहे,
दादोजी बालाजी दोन्यु साथ चालो परसाणे,
चालो भगता परसाणे।
आयी आयी भादुङे री चौथ,
चालो परसाणे चालो भगता परसाणे।bd।

पान्चयु तिथि थारी आयी भारी,
दूर दूर स्यू आवे नर नारी,
दूर दूर स्यू आवे नर नारी,
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiyari.com>



टाबरिया री कैणी काई बात चालो परसाणे,
चालो भगता परसाणे।
आयी आयी भादुड़े री चौथ,
चालो परसाणे चालो भगता परसाणे।bd।

खीर चुरमां रो भोग लगावा,
ध्वजा नारियल भेंट चढ़ावा,
ध्वजा नारियल भेंट चढ़ावा,
धीरत मिठाई भांत भांत चालो परसाणे,
चालो भगता परसाणे।
आयी आयी भादुड़े री चौथ,
चालो परसाणे चालो भगता परसाणे।bd।

“ओम राणा” दादा परसाणे आवै,
अखाराम जी रा भजन सुणावे,
अखाराम जी रा भजन सुणावे,
राखो पोता रे माथै हाथ चालो परसाणे,
चालो भगता परसाणे।
आयी आयी भादुड़े री चौथ,
चालो परसाणे चालो भगता परसाणे।bd।

भादुड़ो भालो आयो रे,
म्हारो मनड़ो हर्षायो रे,
दादोजी रो दिनड़ो आयो रे,
ओ मेळो भारी आयो रे,
आयी आयी भादुड़े री चौथ,
चालो परसाणे चालो भगता परसाणे।bd।

Singer / Upload – Omprakash Rana
Contact for live program & show
9001201051
